

Sistem saliran gagal berfungsi baik



DR DAROYAH

KAPAR - Adun Sementa, Dr Daroyah Alwi memaklumkan banjir kilat melanda Kapar berpunca kegagalan sistem saliran.

Katanya, pihaknya akan memberi perhatian saliran bermasalah bagi mengelak banjir terus berlaku.

"Saya percaya ini ada kaitan dengan saliran termasuk jumlah hujan lebat hingga jumlah air dari Meru ke Sungai Kapar

menjadi sangat besar.

"Kebetulan air laut pasang dan kunci air tidak dapat dibuka menyebabkan limpahan air," katanya semalam.

Beliau yang juga Exco Kesihatan, Kebajikan, Hal Ehwal Wanita dan Keluarga negeri berkata, Majlis Perbandaran Klang (MPK) dan Jabatan Pengaliran dan Saliran (JPS) harus bekerjasama dalam isu ini.

"JPS boleh bantangkan pelan lokasi yang terlibat untuk diselenggara atau dinaik taraf.

"Mereka perlu tenderkan pelan dan kita akan bagi peruntukan," katanya.

Berhubung banjir di Kapar pada 26 Disember lalu, Daroyah berkata, penggunaan pam untuk menyedut air dari kawasan yang banjir ke laut berjaya mengelak banjir daripada berterusan.